

PERORSAASUNNGORNIAT SULIFFIMMI MISILIINERAT PILLUGU QUPPERSAGAQ



Perorsaasutut sammivilimmik bacheloritut ilinniarneq
Perorsaanermik Ilinniarfik / Socialpædagogisk Seminarium, PI/SPS, Ilulissat



Kingullermik iluarsarneqarpoq: oktober 2024

Imarisai

Imarisai.....	1
Aallaqqaasiut.....	3
Kapitel 1: Suliffimmik misiliinermi sinaakkutit.....	4
1.1 Suliffimmik misiliinermi inatsisitigut tunngavigisat.....	4
1.2 Nalinginnaasumik suliffimmi misiliinermi inatsisitigut tunngavigisat	4
1.3 Immikkut ilinniagaqarluni suliffimmi misiliinermi inatsisitigut tunngavigisat.....	4
1.4 Suliffimmi misiliiffiusussanut piumasaqaatit.....	4
1.4.1 Suliffimmi misiliiffiusussanak akuersisarneq.....	4
1.4.2 Suliffimmi misiliinermi aqutissiuissunut qaaqqusinernut marlunnut ullup affaanik sivissusilinnut peqataanissamut piumasaqaat	5
Kapitel 2: Suliffimmik misiliinermi siunertaq.....	5
2.1 Ilinniarnermi siunertaq	5
2.2 Suliffimmi misiliinerni ataatsimoortumik piginnaasassatut ilikkagassatullu anguniakkat	6
Kapitel 3: Suliffimmi nalinginnaasumik misiliinermut aamma portfolio-opgavemut piumasaqaatit	6
3.1 Suliffimmi misiliinermi siullermi piginnaasaqarfigiligassat ilikkagassatullu anguniagassat	7
3.2 Suliffimmi misiliinermi siullermi ilisimaligassat aamma suliarisinnaaligassat qitiusut.....	8
Kapitel 4: Immikkut ilinniagaqarluni suliffimmi misiliinermut aamma portfolio-opgavemut piumasaqaatit.....	8
4.1 Suliffimmi misiliinerup aappaani piginnaasaqarfigiligassat ilikkagassatullu anguniagassat.....	9
4.2 Suliffimmi misiliinerup aappaani ilisimaligassat aamma suliarisinnaaligassat qitiusut.....	10
Kapitel 5: Suliffimmi misiliinerup ingerlanerani portfoliomik suliaqarnermut piumasaqaatit	10
5.1 Suliaqarnermi portfolio	11
5.2 Portfolio saqqummiussassaq.....	13
5.3 Portfoliomik saqqummiussassamik aamma suliffimmi misiliinermik naliliineq.....	14
Kapitel 6: Suliffimmi misiliinerup siornatigut kingornatigullu ilinniartitsineq.....	15
6.1 Suliffimmi misiliinissamut piareersarneq.....	15
6.2 Suliffimmi misiliinermik eqikkaaneq.....	16
Kapitel 7: Suliffimmi misiliinermi inuit qitiusut pingasut, taakkulu suliassat	16
7.1 Ilinniartoq suliffimmi misiliisoq	16
7.2 Suliffimmi misiliinermi aqutissiuisoq	16
7.2.1 Suliffimmi misiliinermi aqutissiuissup suliffimmi misiliinermi isumagissavai	17
7.2.2 Suliffimmi misiliinermi aqutissiuissup ilanngussanut akisussaaffia.....	18
7.2.3 Suliffimmi misiliinermi aqutissiuissup peqannginnerani imaluunniit napparsimanerani 18	
7.3 Suliffimmi misiliinermi ilinniartitsisoq	18

PERORSAASUNNGORNIAT SULIFFIMMI MISILIINERAT PILLUGU QUPPERSAGAQ

7.3.1	Suliffimmi misiliinermi ilinniartitsisup suliffimmi misiliinerup nalaani isumagissavai	18
7.3.2	Suliffimmi misiliinerup kingorna suliffimmi misiliinermi ilinniartitsisup isumagisassai	19
Kapitel 8:	Aaqqissuussaamik naapittarnerit (Konferencetiimit)	19
Kapitel 9:	Nalilersuisarnerit.....	20
9.1	Piffissap affaata nalaani naliliineq	20
9.2	Suliffimmut misiliiffiusumut pulaarneq	21
9.3	Piffissap naalernerani naliliineq	22
9.4	Suliffimmi misiliinerup ingerlaneranik naliliineq	22
9.5	Suliffimmi misiliineq akuerineqarsinnaanngippat	22
Kapitel 10:	Suliffimmi misiliisumut atugassarititaasut.....	23
10.1	Suliffimmi misiliisup piffissat suliffigisartagaasa aalajangersarneqarnerat.....	23
10.2	Piffissami suliffimmik misiliiffiusumi peqanngittarneq	25
10.3	Suliffimmi misiliineq unitsinneqarpat	25
10.4	Ilulissat avataani suliffimmi misiliineq.....	25

Aallaqqaasiut

Suliffimmi misiliineq pillugu quppersakkami matumani aallaavigneqarpoq PI/SPS-imi perorsaasutut sammivilimmik bacheloritut ilinniakkami Ilinniarnerup aaqqissugaanera 2020-meersoq.

Perorsaanermik Ilinniarfiup/Socialpædagogisk Seminarium (PI/SPS') suliffimmi misiliineq pillugu quppersagaa perorsaasutut sammivilimmik bacheloritut ilinniarnermi suliffimmi misiliinernut marluusunut tunngatillugu, nalinginnaasumik suliffimmi misiliinermi immikkullu ilinniagaqarluni suliffimmi misiliinermi atugassarititaasunut piimasaqaatinullu ilitersuutaavoq. Nalinginnaasumik suliffimmi misiliinermi sullinniakkat tassaapput ulluunerani paaqqinnittarfiit aamma sunngiffimmi ornittakkat. Immikkut ilinniagaqarluni suliffimmi misiliinermi sullinniakkat tassaapput meeqqat, inuusuttut inersimasullu immikkut pisariaqartitalit.

Suliffimmi misiliineq pillugu quppersagaaq suliffimmi misiliiffinni aqutissiuisunut, ilinniartumut suliffimmi misiliisumut kiisalu ilinniarfimmi suliffimmi misiliinermi ilinniartitsisunut saaffiginnittuuvoq.

Suliffimmi misiliineq pillugu quppersagaaq aamma PI/SPS-ip nittartagaani nassaarineqarsinnaavoq, uani: www.pi.sps.gl

Ilinniartoq suliffimmi misiliisoq PI/SPS-imi ilinniartitsisumut attaveqarpoq, suliffimmi misiliinerup nalaani suliffimmi misiliinermi ilinniartitsisuusumut. Suliffimmi misiliinermi ataqtigiissaarisoq piareersimassaaq, ilinniartumit kiisalu suliffimmi misiliinermi aqutissiuisumik attavigineqarsinnaalluni. Erngertumik ikiorneqarnissamut pisariaqartitsinermi PI/SPS-imi ilinniartunut siunnersortit attavigineqarsinnaapput normumut pingaarnermut oqa. +299 38 35 50.

Suliffimmi misiliineq pillugu quppersagaaq pitsanngorsartuarumallugu matuma saqqummertup oqaaseqarfiginissaanut tikilluaqqusivugut. Suliffimmi misiliinermi ataqtigiissaarisumut allallutit imaluunniit sianerlutit:

Cecilie Nikolajsen, Suliffimmi misiliinermi ataqtigiissaarisoq, praktik@pi.sps.gl.
Nuutsitsisarfik: +299 38 35 50 / Oqa. toqqaannartoq: +299 38 35 60

Kapitel 1: Suliffimmik misiliinermi sinaakkutit

1.1 Suliffimmik misiliinermi inatsisitigut tunngavigisat

Suliffimmik misiliinermi inatsisitigut tunngavigisaq tassaavoq Qaffasinnerusumik ilinniartitaanerit pillugit Inatsisartut inatsisaat nr. 14, 12. juni 2019-imeersoq.

1.2 Nalinginnaasumik suliffimmi misiliinermi inatsisitigut tunngavigisat

Ulluunerani paaqqinnittarfinnut atuupput:

Meeqqanut suli atualinngitsunut perorsaanikkut inerikkiartuutasunik ulluunerani neqeroorutit pillugit Inatsisartut inatsisaat nr. 62, 20. november 2023-imeersoq aamma Meeqqat tapersersorneqarnissaannut Inatsisartut inatsisaat pillugu Namminersorlutik oqartussat nalunaarutaat nr. 1, 16. marts 2024-imeersoq.

Sunngiffimmi ornittakkanut atuupput:

Kulturikkut ingerlatsineq sunngiffimmilu sammisassaqaqtitsineq pillugit Inatsisartut inatsisaat nr. 5, 6. juni 2016-imeersumi Kapitali 5 aamma kapitali 6.

Meeqqat atuarfianni perorsaasunut saniatigut atuuppoq Atuarfik pillugu Inatsisartut inatsisaat nr. 15, 3. december 2012-imeersoq.

1.3 Immikkut ilinniagaqarluni suliffimmi misiliinermi inatsisitigut tunngavigisat

Sullinniakkat meeqqat, inuusuttut inersimasullu immikkut pisariaqaqtitsisut:

Meeqqat tapersersorneqarnissaannut Inatsisartut inatsisaat pillugu Namminersorlutik oqartussat nalunaarutaat nr. 1, 16. marts 2024-imeersoq aamma Inuit innarluutillit tapersersorneqarnissaannut Inatsisartut inatsisaannit Namminersorlutik Oqartussat nalunaarutaat nr. 7, 1. juuni 2022-imeersoq kiisalu Inersimasunut paaqqinniffiit immikkut ittut pillugit Namminersornerullutik Oqartussat nalunaarutaat nr. 10, 1. april 1995-imeersoq.

Meeqqat atuarfiini immikkut atuartitsisarnermut allatullu perorsaanikkut ikiuisarnermut inatsisitigut tunngavigisat:

Atuarfik pillugu Inatsisartut inatsisaanni nr. 15, 3. december 2012-imeersumi, pingaartumik §15, 25 amma 35 imma. 4 PI/SPS-imi ilinniartut suliffimmi misiliinerannut tunngaviupput.

1.4 Suliffimmi misiliiffiusussanut piumasagaatit

1.4.1 Suliffimmi misiliiffiusussanik akuersisarneq

Suliffimmi misiliiffiusussatut akuerisaaniaraanni, suliffeqarfik perorsaasumik, suliffimmi misiliinermi aqqutissiuissusamik peqassaaq. Suliffeqarfimmi suliffimmi misiliiffissatut

akuerineqarnissaq kissaatigineqarpat, PI/SPS-imi suliffimmi misiliinermi ataqtigiissaarisumut saaffiginntoqassaaq. Suliffimmi misiliiffissatut akuerineqarniaraanni qinnuteqaammik immersuisoqassaaq, suliffimmi misiliinermi ataqtigiissaarisumut nassiunneqartussamik.

1.4.2 Suliffimmi misiliinermi aqutissiuisunut qaaqusunernut marlunnut ullup affaanik sivilissusilinnut peqataanissamut piumasaqaat

Suliffimmi misiliinermi aqutissiuisoq suliffimmi misiliinermi aqutissiuisutut pikkorissarnermut peqataanikuunngippat, taava PI/SPS suliffimmi misiliinermi aqutissiuisumut pikkorissarnissamik qaaqussissaaq, tamannalu marloriarluni ullup affaanik sivilissusilinnik Teams aqutigalugu ingerlanneqassalluni.

Suliffimmi misiliinermi aqutissiuisunut qaaqusineq siulleq pissaaq sapaatip akunnera ataaseq marlulluunniit missaat sioqqullugu; suliffimmik misiliinerup aallartinnginnerani. Suliffimmi misiliinermi aqutissiuisunut qaaqusunerup aappaat pissaaq suliffimmi misiliinerup aallartinneraniik qaammatip ataatsip missaata qaangiunnerani.

Kapitel 2: Suliffimmik misiliinermi siunertaq

Suliffimmik misiliinermi siunertaavoq, ilinniartup suliffimmi misiliisup nammineq kiisalu perorsaanermik suliaqartut suleqatigalugit perorsaanermik suliani assigiinngitsuni peqataasassasoq, kiisalu perorsaanermik suliaqarneq pillugu ilisimasaqalissasoq. Piffissami suliffimmik misiliiffiusumi ilinniartup makku piginnaasaqalerfigissavai

- sulisutut meeqqanik, inuusuttunik inersimasunillu atuisunik atassuteqarsinnaalissaaq,
- suleqatiminik suleqateqarsinnaalissalluni kiisalu
- atuisunik angajoqqaatut oqartussaasunik pilersuisunillu siunnersuisinnaalissalluni.

Suliffimmi misiliinerit ingerlanerini aamma ilinniartup suliffimmi misiliisup perorsaanermi suliassat immikkoortissinnaalerlugit sungiusassavai, tassungalu atatillugu perorsaanermi sammisasaqartitsisinissamut suliaqarnissamullu pilersaarusiorneq, ingerlatsineq nalilersuinerlu sungiusassallugit.

2.1 Ilinniarnermi siunertaq

Suliffimmi misiliinerit perorsaasutut ilinniakkami qitiupput, kiisalu perorsaanermik suliaqarnermut aamma ilinniarsimasutut sulinermut ilinniariupput pingaarutillit. Suliffimmi misiliinerit ilinniartup sulineri perorsaanermi iliuuseqarnissamut piginnaasaanik ineriartortitseqaataassapput.

Suliffimmi misiliinerit aamma PI/SPS-imi ilinniartitsineq taamaasillutik ilinniartup ilinniarnerni ilikkariartorfiupput tapertaasut marluk assigiinngitsut imminnullu

ataqatigiissut.

Ilinniartup suliffimmi misiliisup ilikkariartorneranut aallaaviupput peqataaneq, aaqqissuussamik misilittakkanik eqikkaaneq aamma sulineq pillugu eqqarsaatiginneneqqissaarneq (refleksion). Suliffimmi misiliineq ilinniartup nammineq perorsaasutut sulinermik kiisalu sullinniakkat ilisarnaataannik misissuineranut sinaakkutaavoq suliaqarfiullunilu.

2.2 Suliffimmi misiliinerni ataatsimoortumik piginnaasassatut ilikkagassatullu anguniakkat

Ilinniarnernup ingerlanerani ilinniartoq marloriarluni suliffimmi misiliissaaq. Suliffimmi misiliineq siullesq 2. Semesterimi ingerlanneqartoq nalinginnaasumik suliffimmi misiliiffimmi pissaaq. Suliffimmi misiliinerup tullia 5. semesterimi ingerlanneqartoq immikkut ilinniagaqarluni suliffimmi pissaaq.

Ilinniarnermi suliffimmi misiliinerit marluusut siuariartortumik aaqqissuunneqassapput, perorsaasutut sulinermut pisariusumi sammivinnik arlaqarnerujartuinnartunik ilaartorneqassallutik, taamaalilluni ilinniartup eqqumaffiginiagassai perorsaasutullu sulinermut tunngatillugu sulisutut tamakkiisumik takunnissinnaaneq annertusiartorneqassalluni.

Suliffimmi misiliinerit marluusut aqutigalugit ilinniartup suliffimmi misiliisupmakku angujartussavai:

- Suliffeqarfiup atuisuinut atassuteqarsinnaalerneq perorsaanermilu sulineq pillugit ilisimasaqaleriartorneq.
- Perorsaanermi sulinermut tunngatillugu misissueqqissaarsinnaassuseqarneq eqqarsaatiginneneqqissaarsinnaassuseqarnerlu (refleksion). Matumani nammineq sunniuteqarfigisinnaasat, piginnaaneqarfiit namminerlu killissanut paasisimasaqalerneq.
- Perorsaanermi sulineq suliniarfigisanullu assigiinngitsunut periarfissanik ineriartortitsineq pillugu nammineq sulinermik suleqatinillu suleqateqarnermik paasinninneq.
- Perorsaasut inuiaqatigiinni inissisimaffiannik ileqqorissaarnertigullu akunnattoorfigisartagaannik paasisimasaqalerneq.
- Nammineq sutigit tamatigit perorsaanermik sulinikkut misilittakkanik nalinginnaasumillu ilisimasalik uppersaasersuineq ingerlatitseqqiisinnaanerlu.

Kapitel 3: Suliffimmi nalinginnaasumik misiliinermut aamma portfolio-opgavemut piumasaqaatit

Nalinginnaasumik suliassaqarfiup iluani suliffimmi misiliineq 2. semesterimi ingerlanneqartarpoq, tassani ilinniartoq sapaatit akunnerini 14-ini nalliuttut ilanngullugit suliffimmi misiliissalluni. Ingerlaneq tamarmi 18 ECTS-inik naleqarpoq,

kingorna ilinniartimmi suliffimmi misiliinermi eqikkaaneq ilanngullugu.

Suliffimmi misiliineq Ilulissani ingerlanneqartarpoq imaluunniit Kalaallit Nunaata kitaani ingerlanneqarsinnaalluni. Aammattaaq suliffimmi nalinginnaasumik misiliineq nunani allani ingerlanneqarsinnaavoq. Suliffimmi misiliinermi meeqqat 0-17 ukiullit sullinniarneqassapput. Suliffimmi misiliiffiusinnaasut tassaapput ass. Meeraaqqeriviit, meeqqeriviit, sunngiffimmi ornittakkat aamma atuartut angerlarsimaffii.

Oqaatsit qitiusut nalinginnaasumik suliassa qarfiup iluani suliffimmi misiliinermut attuumassuteqartut:

- Malinnaaneq aamma misissueqqissaarneq.
- Sulineq pillugu eqqarsaatiginneqqissaarneq (refleksion), perorsaanermi teoriit attuumassuteqartut ilanngullugit.
- Perorsaanermi sammisassaqtitsinerit, susassareqatigiinneq attaveqarnerlu.

3.1 Suliffimmi misiliinermi siullermi piginnaasaqarfigiligassat ilikkagassatullu anguniagassat

Suliffimmi misiliinermi siullermi siunertaavoq, ilinniartoq perorsaanermik sulinermi atassuteqaatinik, inuit iliuuseqaqatigiittarnerinik aamma attaveqatigiilluni sulinermik ilisimaarinnilissasoq, matuma ataani meeqqat atugarissaarnermut, attaveqatigiinnermut attaveqalersarnermullu inuunermi piumasaqaataasa isumaqassusaanik.

Ilinniartup suliffimmi misiliinermigut makku ukkataralugit sulissaaq

- Meeqqanut ataasiakkaanut meeqqanullu attaveqarnermik pilersitsineq,
- meeqqat imminnut attaveqarnissaannut tapersersuineq,
- meeqqat attaveqateqartarnikkut piginnaasaasa ineriartornerannut tapersersuineq,
- professionelimik attaveqatigiittarnermik piginnaasaqarneq, kiisalu
- attaveqateqartarnermut aamma attaveqartarnermut nammineq piginnaasanik eqqarsaatiginneqqissaarneq (refleksion).

3.2 Suliffimmi misiliinermi siullermi ilisimaligassat aamma suliarsinnaaligassat qitiusut

Ilinniartup ilisimasaqarfii	Ilinniartup pisinnaasai
Meeqqap atugai aamma ineriartornissamut periarfissai, matuma ataani meeqqat immikkut pisariaqartitallit	Ass. Pinnguarnermut aamma ikinngutigaiinnermut il.il. atatillugu meeqqat inuusuttullu periarfissaanik qimerluuineq, eqqarsaatiginneqqissaarneq (refleksion) aamma misissueqqissaarneq. Tamanna tunngavigalugu perorsaanneri sammisanik assigiinngisitaartunik aaqqissuussisarneq.
Perorsaannermik suliaqarnermi timikkut, isumassarsiorsinnaanikkut, nipilersornikkut aamma kusanartuliortarnikkut ilinniarneq aamma ineriartorneq	Perorsaannermi sammisassanik anguniagaliineq, aaqqissuussineq aamma naliliineq kiisalu nalinginnaasumik meeqqat pinnguarnernik, kusanartuliortarneranik, nipilersortarneranik kajumissaarineq tapersersuinerlu aamma peqqissutsikkut siuarsaasunik ineriartortitsineq.
Susassareqatigiinneq aamma sunniivigeqatigiinneq, kiisalu attaveqarnerit meeqqap pinnguarnernut, ilikkariartorneranut, inuit akornaniittarneranut, atugarissaarneranut aamma ineriartorneranut sunniuteqaataat	Najuilluni attaveqatigiinnernik pilersitsineq aamma meeqqap ataasiakkaap peqatigiinnermi ineriartorneranik aamma peqataanissamut periarfissaanik tapersersuineq. Nammineq allallu suleriaasaannut apeqqusiisinnaaneq ileqqorissaartumillu isumaliutiginnittarneq (refleksion).
Oqaloqatigiinneq aamma professionelimik attaveqatigiinneq	Meeqqanik/inuusuttunik, ilaqutariinnik aamma suleqatinik assigiinngisitaartumik, eqqortumik aamma paasinartumik attaveqateqarneq.
Perorsaasoq pisortaqaqfimmi sullissisutut	Perorsaannermi suleriaatsimut atatillugu inatsisitigut sinaakkutinik ingerlatitsineq aamma eqqarsaatiginninneq.

Kapitel 4: Immikkut ilinniagaqarluni suliffimmi misiliinermut aamma portfolio-opgavemut piumasaqaatit

Immikkut ilinniagaqarluni suliffimmi misiliineq semesterit tallimaanni sapaatit akunnerini 18-ini sivilissuseqarluni ingerlanneqartarpoq, 30 ECTS-inillu naleqarluni. Suliffimmi misiliineq Kalaallit Nunaanni avataaniluunniit ingerlanneqassaaq suliniarfigineqartussallu tassaapput meeqqat, inuusuttut inersimasulluunniit immikkut pisariaqartitsisut. Paaqqinnittarfiit misiliiffiusut tassaasinnaapput meeqqanut inuusuttunullu ulloq unnuarlu angerlarsimaffiit, timikkut tarnikkullu piginnaasakitsunut paaqqinnittarfiit, meeqqat atuarfiini immikkut perorsaannermik neqerooruteqarfiusut, tarnikkut nappaatilinnut nakorsaannermik suliassaqaarfiit imaluunniit perorsaanikkut

suliniutit, suliffimmi misiliinermi anguniagaasunut attuumassuteqartut.

Immikkut ilinniagaqarluni suliffimmi misiliineq, suliffimmi misiliinerup siulliup nangingeqarneratut isigineqassaaq, naatsorsuutigineqarlunilu suliffimmi misiliinerup aappaani ilinniartoq suliffimmi misiliisoq maanna namminersorluni sulisullu allat naligalugit sulissasoq. Tamanna isumaqarpoq, ilinniartoq suliffimmi misiliisoq perorsaanermik sulinermik aallarnisaallunilu akisussaaqataassasoq.

Oqaatsit qitiusut immikkut ilinniagaqarluni suliffimmi misiliinermut attuumassuteqartut:

- Namminersorneq, eqqarsaatiginneqqissaarneq (refleksion) aamma apeqquusiisarluni naliliineq.
- Perorsaanermi sammisasaqartitsineq suliaqartitsinerlu.
- Ineriartorneq allanngoriartornerlu.

4.1 Suliffimmi misiliinerup aappaani piginnaasaqarfigiligassat ilikkagassatullu anguniagassat

Suliffimmi misiliinerup aappaanik siunertaavoq, ilinniartup isumaginninnermi immikkullu ilinniagaqarfiup iluani sullinniakkanik ilisarismannilernissaa. Ilinniartup perorsaanermi suliaqarnermik ineriartortitsinikkut, suliaqartut attuumassuteqartut suleqatiginerisigut sullinniakkat ilikkarnissamut, ineriartornissamut aamma isumassorneqarnissamut pisariaqartitsinerat tapersersussavaa. Ilinniartup nammineq sulisutut inissisimaffini akisussaaaffinilu ukkatarissavai.

Ilanngullugu ilinniartup suliffimmi misiliinini aqutigalugu sullinniakkat, sulisut, kajumissutsimik sulisut aamma qanigisaasut akornanni suliassat aamma akisussaaffiit agguataarnerat pillugit ilisimasani aallernermik suliaqassaaq. Ilanngullugu ilinniartup suliassanik aamma/imaluunniit ajornartorsiutinik aaqqiiniarneq pillugu suliaqarfiit akornanni suleqatigiinneq peqataaffigissavaa, kiisalu nammineq suliamut ilisimasani, suliassani aamma akisussaaaffini nassuiarsinnaassallugit.


4.2 Suliffimmi misiliinerup aappaani ilisimaligassat aamma suliarisinnaaligassat qitiusut

Ilinniartup ilisimasaqarfigai	Ilinniartup suliarisinnaavai
Sulinermi suliasaqarfiit aamma suliasat. Paaqqinnittarfimmi, aaqqissuussaanermi aamma aqutsisuni isumaginninnermi aamma immikkut ilinniagaqarfimmi suliniutinut sinaakkutit	Suliffimmi misiliiffiusumi periutsinik atorpeqartunik sulinikkut naliliineq. Suliffeqarfimmi, aaqqissuussaanermi aamma aqutsisuni sinaakkutit iluini professionelimik pissusilersorneq.
Perorsaanermi iliuuseqariaatsit aamma perorsaanermi periutsit. Isumaginninnermi aamma immikkut ilinniagaqarfimmi suleriaatsit aamam periutsit	Perorsaanermi suliasanik pilersaarusiorneq, naammassinninneq, uppersaaneq aamma naliliineq. Sullinniakkat toqqarneqartut pisariaqartitaanut atatillugu anguniagaqarluni suliniuteqarneq.
Ilisimasat assingusut aamma suliasaqarfiit akornanni suleqatigiinnermut sinaakkutit	Suleqatigiinni attaveqateqarlunilu suleqateqarsinnaaneq, angajoqqaat imaluunniit qanigisaasut suleqatigisartakkallu allat peqatigalugit.
Sulianik ilisimaarinninneq aamma sulisutut kinaassuseq	Nammineq aamma suliffimmi misiliiffiup suleriaasianik ileqqorissaarnikkut apeqquersuinnikkullu tunngavilersuineq isummersornerlu.
Atassuteqarnerni pissaaneqarneq ileqqorissaarnerlu	Meeqqanik, inuusuttunik inersimasunillu atuisunik alaatsinaanneq misissueqqissaarnerlu assersuutigalugu pissaanermik atuinnermut tunngatillugu aaqqissuussinerit, attaveqatigiinnerit, suliasat agguataarnerat inissisimaffiillu.
Ineriartornermi allanngoriartornermilu sulianut peqataaneq	Suliffeqarfiup suleriaasiani suliniutinik/allannguutinik attanneqarsinnaasunik nutaanik ineriartortitsinnermut peqataaneq tapersiinerlu.

Kapitel 5: Suliffimmi misiliinerup ingerlanerani portfoliomik suliaqarnermut piumasaqaatit

Portfoliomik suliaqarneq suliffimmi misiliinerit ingerlanerani ilinniarnermi ilikkariartornermilu qitiusuuvoq – nalinginnaasumik suliaqarfimmi aamma immikkut ilinniagaqarluni suliaqarfimmi. Suliaqarnermi portfolio aamma portfolio saqqummiussassaq immikkoortinneqarput. Suliaqarnermi portfolio mappiuvoq, ilinniartup ingerlaavartumik perorsaanermi sulianik aamma eqqarsaatiginneqqissaarnerminillu (refleksion) katersiffigalugulu uppersaaffigisaa.

Portfolio saqqummiussassaq allattariarsorluni suliaavoq, ilinniartup suliaqarnermi portfolio minit atortussanik toqqaallunilu suliaqarfia. Portfolio saqqummiussassaq suliffimmi misiliinerup naanerani tunniunneqassaaq.



Titartagaq: Portfolio. Suliaqarnermi portfolio mappitut imaluunniit toqqorsivittut paasineqarsinnaavoq. Portfolio saqqummiussassaq "igalaatut nittarsaassivittut" isigineqarsinnaavoq, ilinniartup suliffimmi misiliinermini suliamini sammisanik imaluunniit ajornartorsiutinik aallaaveqartumik suliaqarnermi portfolio imarisaasa ilaanik toqqakkanik saqqummiiffisaa.

5.1 Suliaqarnermi portfolio

Qulaani titartakkami takutinneqartut suliaqarnermi portfolio assigiinngitsunik arlalinnik imaqarpoq, ataatsimut ilinniartup suliffimmi misiliinerminut aamma nammineq ilikkariartornerminut ataatsimut isiginninneranut tapersiisunik.

Suliaqarnermi portfolio mik siunertaavoq, ilinniartoq:

- Nammineq ilikkariartornermut periusissanik ineriartortitsissasoq
- Nammineq ilikkariartornerminut ataatsimut isiginnissinnaalissasoq piginnilissasorlu.
- Perorsaanermi sulinermit malinnaassasoq katersissasorlu.
- Perorsaanermi sulineq aamma nammineq sulinikkut ineriartornini eqqarsaatigeqqissaarsinnaassangaa.

Sulinermi portfolio: imarisat aamma periaatsit	
Allattukkat eqqaamassutissat, malinnaanerit aamma pisut pillugit allattukkat	- Eqqaamassutissat allattugaapput ilinniartup misissugaanik tiguarteqqaffigisaanik qimerluugaanillu. - Malinnaaneq perorsaanerimi sulinermik ingerlaavartumik uppersaaneermut taperseeqataasarpoq. - Logbogip imarisinnaavai malinnaanerit, ilikkariartornermut ilinniartitseriaatsimut ilusiliat, eqqumiigisat, pilersarusiorneq pillugu nammineq eqqarsaatsit – perorsaanerimi sammisanik naammassinninneq nalilersuinerlu, issuaanerit, isumaqatigiissutit il.il.
Snaplog, immiussat aamma videoliat	- Snaplog takussaasunngortitsilluni suleriaasaavoq, tassani perorsaanerimi sulinermik katersinermut assit atorineqartarput. - Nipit aamma video sulinerimi pisunik katersinermut aamma uppersaaneermut aamma atorineqarsinnaapput. - Ilinniartup qulakkeertuaannassavaa nipinik, assinik videonillu atuinermut atatillugu suliffeqarfimmi maleruagassat atuuttut malinnissai.
Nammineerluni eqqarsaatiginneqqis- saanerit (refleksion)	- Illit ilinniartutut piginnaasat suut suliarinikuugit, illillu perorsaanerimi sulisutut piginnaasannik ineriartortitsinnut qanoq tapersiisinnaappat? - Eqqarsaatiginneqqissaanerit perorsaanerimi ajornartorsiutini, suliffimmi misiliinerimi ilisimaligassatut suliarisinnaaligassatullu anguniakkanut attuumassuteqartunik aallaaveqarsinnaapput. - Isummersornernut aamma tunngavusinnaapput perorsaasutut sulinerimi pissutsit ileqqorissaanerimut tunngasut. Eqqarsaatiginneqqissaanerit pisumi aaqqiagiinngiffiusumi suut pingartitarineqarnersut misissornerannik imaqsinnaapput, ilinniartullu sulinerminut atatillugu ileqqorissaanerani nukittorsaaqataallutik
Ullormut oqaluuse- risassat aamma ataatsi-miinnermi imaqarniliat	Aaqquissuussamik naapittarnernit assigisaannillu ullormut oqaluuserisassat aamma ataatsimiinnermi imaqarniliat, ilinniartup suliffimmi misiliinerimi ingerlanerani aaqquissuussamik misilittakkanik isummersornernillu katersineranut tapersersuisarput
Sanaat kusanartuliat	Meeqqat/atuisut ilinniarnerninni sanaavi kusanartuliat toqqorneqarsinnaapput / assilinqarsinnaapput uppersaasissaliaralugit.
Suliaq pillugu atuakkiat takussutissartaat	Sakkusaaq, ilinniartup suliffimmi misiliinermini atuakkat atorineqartut pillugit ataatsimut isiginninneranut ikiuutaasoq. Aamma nammineq atuakkanik atuarnernit eqqaamassutissanik allattukkanik imaqsinnaapput.
Portfolio-opgavet	Suliffimmi misiliinerup ingerlanerani ilinniartup portfolio-opgavet arlallit naatsut ingerlaavartumik suliarissavai (suliffimmi misiliinerimi ataatsimi 4-5-it), suliffimmi misiliinerimi ilikkagassatut suliarisinnaaligassatullu anguniakkanut qitiusunut atatillugu sammisat assigiinngitsut aallaavigalugit.

Ilinniartoq suliffimmi misiliisoq suliaqarnermi portfoliomut atortussanik ingerlaavartumik katersisassaaq. Suliaqarnermi portfolio taamaasilluni ilinniartup nammineq "inigivaa"/ akisusaaffigivaa, ilinniartup ilisimasanik, isummersornernik kiisalu sulinermi uppersaatinik toqqorsivimminik sananissaminut qulakkeerinnittussaq.

Suliffimmi misiliinerup ingerlanerani ilinniartup suliffimmi misiliisup portfolio-opgavet arlallit akissavai, sulinermilu portfoliomut toqqortassallugit. Portfolio-opgavet aamma suliffimmi misiliinissamut piareersarluni ilinniartitsineri portfoliomik suliaqarnermi ilisaritinneqassapput. Allaaserinninnerit suliffimmi misiliineri qitiusumik ilisimaligassatut suliarisinnaaligassatullu anguniakkanut atatillugu ilikkagassatut sammisani assigiinngitsuni aallaaveqassapput. Allaaserisat aamma suliffimmi misiliineri ilinniartitsisumut nassiunneqartassapput piffissaliussaq tunniunneqartoq naapertorlugu, suliffimmilu misiliineri ulluni aggersaaffiusuni suliatigut ataatsimut eqqarsaatiginneqqissaarni (refleksion) aallaaviussallutik. Portfolio-opgavenik siunertaavoq suliffimmi misiliinerup ingerlanerani ilikkariartorneq tapersersussallugu kiisalu perorsaanermik suliaqarnermi teoriimut atassusiinermut tapersiinissaq.

5.2 Portfolio saqqummiussassaq

Portfolio saqqummiussassaq allattariarsorluni suliassaavoq, suliffimmi misiliinerup naalernerani tunniunneqartussaq – suliffimmi misiliinerup naammassinissanut sapaatip-akunneri 2-t missaat sioqqullugu. Portfolio saqqummiussassaq suliaqarnermi portfoliop imarisaanik toqqakkanik imaqassaaq.

Portfoliomik saqqummiussassamik siunertaavoq, ilinniartup suliffimmi misiliineri ilisimaligassatut suliarisinnaaligassatullu anguniakkanik toqqakkanik qanoq suliaqartarsimanerminik takutitsinissamut periarfissinneqarnissaa. Ilinniartup sammisaaq ataaseq imaluunniit arlallit imaluunniit ajornartorsiut aneq, portfoliomik saqqummiussassamik ataqatigiissitsisut aallaavigissallugit toqqarsinnaavai.

Portfolio saqqummiussassaq pingasunik immikkoortortaqarpoq:

- Aallaqqaasiut suliffimmi misiliiffimmik naatsumik nassuiaanermik, suliffimmi misiliinermik eqikkaanermik kiisalu portfoliop saqqummiussassap ilusilersorneranut tunngavilersuummik imaqartoq
- Ilisimaligassatut suliarisinnaaligassatullu anguniakkat toqqakkat pillugit isummersorneq, ilinniartup suliffimmi misiliinermini sulineri pisunik suliarisimasaanik aallaaveqartut
- Nammineq ilikkariartornermut isummersuutit

Suliaq pillugu atuakkianik atuineq: Piumasaqaataavoq, ilinniartup suliaq pillugu atuakkanik attuumassuteqattunik ilanngussinissaa. Portfoliomi saqqummiussassami paasisaqarfinnik nalunaarsuutitut aamma najoqqutat allattorsimaffiannut atatillugu allaaserinnilluni suliaqarnermi pisortatigoortumik malittarisassat PI/SPS-imi atornerqarput (APA-standard).

Suliffimmi misiliiffimmut pulaarnermi (takkulluni imaluunniit internetikkut pisinnaasumi) ilinniartoq portfoliomik saqqummiussassamik suliaqarnermut atatillugu suliffimmi misiliinermi ilinniartitsisumit kisimiilluni siunnersorneqarsinnaavoq. Ilinniartup kingorna periarfissaraa suliffimmi misiliinermi ilinniartitsisumit pingasoriarlutik ilinniaqatigiullutik siunnersorneqarnissartik (eqimattat 3-nik imlt. 4-nik ilinniartunik amerlassusillit).

Annertussusissamut piumasaqaat:

- 2. semesterimi ilinniartunut (nalinginnaasumik suliffiup iluani suliffimmi misiliineq) annertussusissamut piumasaqaataavoq annertunerpaamik quppernerit nalinginnaasut 8-t – anslagit 19.200 akunnerit (mellemrum) ilanngullugit.
- 5. semesterimi ilinniartunut (immikkut ilinniagaqarluni suliffimmi misiliineq) annertussusissamut piumasaqaataavoq annertunerpaamik quppernerit nalinginnaasut 10-t – anslagit 24.000 akunnerit (mellemrum) ilanngullugit.

5.3 Portfoliomik saqqummiussassamik aamma suliffimmi misiliinermik naliliineq

Portfoliomik saqqummiussassamik (allaaserinnilluni suliaq) aammalu suliffimmi misiliinermi aqqutsissiuksup suliffimmi misiliinermi akuersinera, takukkit immikkoortut 9.3 aamma 9.4, ataatsimoortillugit suliffimmi misiliinermi naliliinermut tunngaviupput naliliinermi.

Suliffimmi misiliinermi ilinniartitsisup akisusaaffigaa portfolio saqqummiussassaq nalilersornissaa akuersissutiginnissaalu. Naliliinermi pingaartinneqassaaq, ilinniartup namminersorluni teorini oqaatsinik atornerqartartunik suliffimmi misiliinermi ajornartorsiutit pillugit eqqarsaatiginneneqqissaarluni (refleksion) atorsinnaanerai. Ilinniartup ilisimalikkani atorlugit perorsaanermi ajornartorsiutit misissorsinnaassavai. Ilinniartup aamma perorsaanermik sulineri nammineq iliuuserisinnaasani eqqarsaatigilluaqqissaarsinnaassavai (refleksion).

2. semesterimi nalinginnaasumik suliaqarfiup iluani suliffimmi misiliineq: Portfolio saqqummiussassaq akuerineqartutut imaluunniit akuerineqanngitsutut nalilerneqassaaq.

5. semesterimi immikkut ilinniagaqarluni suliffimmi misiliinermi: Portfolio saqqummiussassaq akuerineqartutut imaluunniit akuerineqanngitsutut nalilernerqassaaq. GGS-skala naapertorlugu karakteriliisoqassaaq (takuuk bkg. nr.14, 23. juni 2008-meersoq) ilinniartup atuagarsornermi qanoq inissisimaneranik takutitsisutut, karakterili soraarummeernermi uppersaammis ersissanngilaq.

Portfolio saqqummiussassaq akuerineqanngippat, suliffimmi misiliisup periarfissaraa siunnersorneqaqqinnissaaq siunertaralugu portfolio saqqummiussassap pitsanngorsarnissaa. Ilinniartuq annerpaamik pingasoriarluni misiliisinnaavoq portfolio saqqummiussassaq akueritinniarlugu.

Kapitel 6: Suliffimmi misiliinerup siornatigut kingornatigullu ilinniartitsineq

6.1 Suliffimmi misiliinissamut piareersarneq

Suliffimmi misiliinerup aallartinnginnerani, ilinniartut sapaatip-akunneri marluk suliffimmi misiliinissap ingerlanissaanut piareersaateqassapput. Ilinniartuq suliffimmi misiliisoq imminut ilisaritilluni allaaserissaaq, suliffimmi misiliinermi aqutissiusumut nassiunneqartussamik. Suliffimmi misiliinerup aallartinnginnerani ilinniartup suliffimmi misiliiffigisassani attavigissavaa, pulaarnissani suliffimmilu misiliiffiup aallartinissaa kiisalu piffissaq suliarorfissani pillugu isumaqatigiissusiussalluni. Pulaarnissaq periarfissaanngippat, oqarasuaatikku imaluunniit videokku sianerluni ingerlanneqarsinnaavoq.

Suliffimmi misiliinissamut piareersarnermik siunertaavoq, ilinniartup:

- Suliffimmi misiliineq pillugu quppersakkap, suliffimmi misiliinissamut isumaqatigiissutit imarisai ilisimaarissagai kiisalu suliffimmi misiliinerup sinaakkutai atugassarititaasullu pillugit ilisimatinneqassasoq.
- Suliffimmi misiliinermi ilikkagassatut suliarisinnaaligassatullu anguniakkat ilisimaarilissagai.
- Suliffimmi misiliinerup ingerlanerani portfoliomik suliaqarneq pillugu paasinnissasoq.
- Nammineq ilinniartutut suliffimmilu misiliisutut suliffeqartutullu inissisimaneq pillugu aamma sulinerup nalaani suliassanik; matuma ataani tunniussinissamut piffissaliussanik, aqqissuussamik naapinnernik (konferencetimer), piffissanik ilinniarnermut atorineqartunik il.il. pingaarnerusutigit paasinnissasoq
- Suliffimmi misiliinerup ingerlanerani ilinniarnermi periaatsinik kiisalu ilikkariartornernik nammineq aqutsinermik ilisimaarinnissasoq.

6.2 Suliffimmi misiliinermik eqikkaaneq

Suliffimmi misiliinerup kingorna ilinniartoq suliffimmi misiliinermik eqikkaanermut, ataani allassimasunik siunertaqartumut peqataassaaq:

- Suliffimmi misiliinermi ilikkagassatut suliarisinnaaligassatullu anguniakkanik aallaaveqartumik perorsaanermi sulinermi misilittakkanik saqqummiineq.
- Suliffimmi misiliinermi nammineq ilikkariartornermut eqqarsaatiginneqqiissarneq (refleksion), matuma ataani portfolionik suliaqarnermi, kiisalu misilittakkanik ilinniaqatinut ilisimasani avitseqateqarneq.

Kapitel 7: Suliffimmi misiliinermi inuit qitiusut pingasut, taakkulu suliassaat

Ilinniartup suliffimmi misiliisup, suliffimmi misiliinermi aqutissiuusup aamma suliffimmi misiliinermi ilinniartitsisup suleqatigiinnerat suliffimmi misiliinernut qitiuvoq. Suliffimmi misiliiffiusup, suliffimmi misiliinermi anguniakkat siunertallu qanoq naammassineqassanersut pillugit sinaakkutit inississavai. PI/SPS-ip suliffimmi misiliinermi anguniakkat siunertallu suut naammassineqassanersut pillugit sinaakkutit inississavai. Akisussaaffiit assigiinngitsut ataani saqqummiunneqarput.

7.1 Ilinniartoq suliffimmi misiliisoq

Ilinniartoq suliffimmi misiliisoq suliffimmi misiliinerup ingerlanerani perorsaanermi suleqatigiillu suleqatigiinneranni ilaassaaq. Tamatumunnga peqatigitillugu suliffimmi misiliisup nammineq suliassat suliffimmi misiliinermut atasut ilikkariartorfigissavai aaqqissuutissallugillu. Tamanna aamma atuuppoq portfolio-mik suliassanut aamma ilanngussanut suliffimmi misiliinerup ingerlanerani immersorneqartussanut PI/SPS-imullu nassiunneqartussanut tunngatillugu.

Ilinniartup suliffimmi misiliisup ulluinnarni perorsaanermik sulinermi aallarniisarlunilu aaqqissuussaasumik naapinnissanut aaqqissuussisassaaq. Tassa imaappoq ullormut oqaluuserisassanik siunnersuuteqartassaaq, alaatsinaassimasat pillugit allattorsimasani saqqummiuttassallugit, suliamut tunngasunik atuarsimasaminik ingerlatitseqqisassalluni, perorsaanilerilluni oqallisiginninnernut namminersuutingalugu aallarniisassalluni uiggiullugit suliffimmi misiliinermi suliarisinnaanngugassatut ilikkagassatullu anguniakkanik ilisimasaqalernissat.

7.2 Suliffimmi misiliinermi aqutissiuisoq

Suliffimmi misiliiffiusumi suliffimmi misiliinermi aqutissiuisoq ilinniartup suliffimmi misiliisup ilikkariartorneranut, misilittagaanut eqqarsaatiginneqqissaarsinnaanerannullu

(refleksion) atatillugu siunersiuinermut qitiuvoq. Ilinniartfimmi ilisimasat sulinermit atorneqassapput, sulinermilu misilittakkat PI/SPS-imi ilinniartitsinermit ilaassallutik.

Suliffimmi misiliiffiusumi aqutissiuusup pissutsit immikkut ittut tunngavigalugit (ass. napparsimaneq, sulinngitsoortarneq il.il.) suliffimmi misiliisoq ernumagiguniuk, imaluunniit suliffimmi misiliisup suliffimmi misiliinini naammassisinnaaneraa imaluunniit suliffimmi misiliinerup akuerineqarsinnaanera qulariguniuk, suliffimmi misiliinermit aqutissiuusup erngertumik suliffimmi misiliinermit ilinniartitsisoq attavigissavaa.

7.2.1 Suliffimmi misiliinermit aqutissiuusup suliffimmi misiliinermit isumagissavai

- Suliffimmi misiliinerup nalaani sapaatit akunneranut 1 tiimi aqqissuussaasumik naapittarnissamik (konferencetime) neqeroorfigissallugu, piffissani taakkunani suliffimmi misiliinermit aqutissiuusup suliffimmilu misiliisoq allamik suliaqassanngillat – assersuutigalugu meeqqanut imaluunniit atuisunut akisussaaffeqassanatik.
- Ilinniartuq suleqatigalugu piginnaasatigut aamma ilinniarnikkut sungiusarnermini tunaartaqalernissaanut piumasaqaatinik pilersitsineq.
- Ilinniartuq siunnersorlugu aamma periarfissillugu namminersorluni perorsaanermik suliaqarnissaanut aammalu suleqatigiinnut attuumassuteqartumik.
- Ilinniartuq ataatsimiinnernut attuumassuteqartunut peqataanissamut qaaqqusarlugu.
- Ilinniartuq peqatigalugu ajornartorsiutaasinnaasut oqaluuserisarlugit, ilinniartup sulineq pillugu ukkassinissaanut aammalu perorsaanikkut piginnaasatigut ineriartornissaanut.
- Ilinniartuq allattariarsorluni suliassatut sammisassaminik qinersinissaanut aqutissiuullugu.
- Ilinniartup takkuttarnini pillugu nalunaarsuineranik uppersaasarnissaq. Takkuttarnermut aamma najuuttarnermut tunngatillugu isumaaluuteqarnermit ilinniartumut aqutissiuusup piaarnerpaamik PI/SPS attavigissavaa.
- Piffissap affaata nalaani suliffimmi misiliiffimmut pulaarnissaq sioqqullugu naliliinerup suliarineqarnissaanut akisussaasuuneq.
- Suliffimmi misiliinerup naalerani naliliineq, suliffimmi misiliineq akuerineqarnersoq imlt. akuerineqannginnersoq aammalu naliliinerup PI/SPS-imut nassiunnissaa.
- Suliffimmi misiliinermit ilinniartitsisoq attavigalugu, nalornissutigineqarpat suliffimmi misiliineq akuerineqarsinnaanersoq kiisalu suliffimmi misiliinerup sinaakkutai aamma atugassarititai pillugit nalornilluni apeqqutissaqartoqaraangat.
- Suliffimmi misiliinermit aqutissiuusup ilinniartup ilinniarnera tapersersussavaa aammalu isumagalugu pineqartup ataatsimiinnerni attuumassuteqartuni peqataasinnaanera misiliinerup ingerlanera tamaat, assersuutigalugu inini

imaluunniit immikkoortortani, sulisunut tamanut, angajoqqaat peqatigalugit, perorsaanilerinermut tunngatillugu il. il. ataatsimiinnerni.

7.2.2 Suliffimmi misiliinermi aqutissiuisup ilanngussanut akisussaaffia

- Akunnerit oqaloqatigiinnermut (konferencetimenut) atorpeqartut sammineqartut ilanngullugit nalunaarutigalugit, suliffimmi misiliinerup naanerani.
- Suliffimmi misiliinerup affaata nalaani naliliinerup immersugassartaa immersorlugu, suliffimmi misiliinermik akuersineq atuukkallartoq ilanngullugu
- Piffissap naalernerani naliliineq immersorlugu

7.2.3 Suliffimmi misiliinermi aqutissiuisup peqannginnerani imaluunniit napparsimanerani

Suliffimmi misiliinermi aqutissiuisup aqutissiuisutut atuussinnaanngiffiini (assersuutigalugu sap. ak. ataaseq sinnerlugu sulinnginneq), paaqqinnittarfiup aqutsisuata utaqqiisaagallartumik imaluunniit atuutilertumik misiliinermut aqutissiuisussamik pissarsiussaaq aammalu tamanna PI/SPS-imi misiliinermut ilinniartitsisumut imaluunniit misiliinernik ataqatigiissaarisumut nalunaarutigissallugu. Sulinnginneq assersuutigalugu napparsimanermik, feeriarnermik, pikkorissarnermik il. il. pissuteqarsinnaavoq. Suliffimmi misiliiffiusup tamanna suliassaq nammineerluni naammassisinnaanngippagu, taava PI/SPS-imi misiliinermut ilinniartitsisoq imaluunniit misiliinernik ataqatigiissaarisoq piaarnerpaamik attavigineqassaaq aaqqiissuteqarnissaaq siunertaralugu.

7.3 Suliffimmi misiliinermi ilinniartitsisoq

Misiliinermut ilinniartitsisup suliffimmi misiliinissaaq sioqqullugu ilinniartunut piareersaataasumik ingerlaarneq aaqqissuutissavaa. Ilinniartitsineq imatut aaqqissuunneqassaaq, ilinniartup suliffimmi misiliineq pillugu quppersagaq ilisimalissavaa, aammalu ilinniartoq suliassanik ingerlatsinissamut piareersarneqassalluni. Suliassat suiffimmi misiliinermut tunngatillugu piginnaasatigut aamma ilinniagassatigut anguniakkanik aallaaveqarput. Taamatuttaaq ilinniartut nammineq atuuffitik pillugit takunnissinnaanissaat suliassaavoq, suliffeqarfimmi misiliiffissami peqataanissamut piareersarneranni.

7.3.1 Suliffimmi misiliinermi ilinniartitsisup suliffimmi misiliinerup nalaani isumagissavai

- Misiliinermut aqutissiuisumut qaammatip ataatsip missaata ingerlareernerani sianerneq, misiliinerup aallartinneranut atatillugu killiffissiornissaaq siunertaralugu. Tamatumunnga atatillugu piffissamut aamma atugassarititaasunut tunngatillugu paatsooqatigiissinnaanerit imaluunniit paasiuminaattuusimasinnaasut paaseqatigiissutigineqassapput.
- Apeqqutinut suliffimmi misiliinermut tunngassuteqartunut tunngatillugu

ilinniartumit aamma misiliinermut aqutissiuusumik attavigineqarsinnaaneq.

- PI/SPS-imi ullunik suliffimmi misiliinermut tunngatillugu qaaqquusiffiusunut sinaakkutinik pilersitsineq (najuunnikkut imaluunniit Teams aqutigalugu), tassani ilinniartut nammeneq ilinniarnertik pillugu aammalu portfolioliorluni suliassat eqqarsaatiginneqqissaarutigissallugit (refleksion).
- Suliassat portfoliot pillugit utertitsiffiginninneq (feedback), suliffimmi misiliinermut tunngatillugu qaaqquusiffimmi tamanna pisinnaavoq.
- Suliffimmi misiliinerup pingajorarterutaata aappaa nallertinnagu aammalu piffissap affaata nalaani naliliinerit ilinniartuninngaanniit tigunerisa kingorna suliffimmut misiliiffiusumut pulaarnermut peqataaneq.
- Portfoliomut saqqummiussassamut atatillugu allattariarsornermik suliassaq pillugu ilinniartuq siunnersorlugu aamma suliffimmi misiliineq nalinginnaasoq (suliffimmik misiliineq siulleg) pillugu akuersinermik/akuersinnginnermik naliliilluni aammalu misiliineq immikkut ittoq (suliffimmi misiliinerup aappaat) pillugu GGS-skala malillugu karakteriliilluni.

7.3.2 Suliffimmi misiliinerup kingorna suliffimmi misiliinermi ilinniartitsisup isumagisassai

Ilinniartut suliffimmi misiliinertik pillugu suliaqarnissaannik aaqquissuineq. Suliffimmi misiliineq pillugu suliaqarnissap siunertaraa, ilinniartut:

- Suliffeqarfimmi misiliiffigisaminni perorsaanikkut misilittakkaminnik oqaasinnguinnissaat aammalu suliaqarfimmit ilinniarsimasutut kinaassutsiminnik ineriartortitsinissaat.
- Suliaminnik ingerlatsisimanerminnut tunngatillugu misilittakkaminnik oqaluuserinninneq aamma katersuineq.
- Teorit sulinermut attuumassuteqarnerinik eqqarsaatiginneqqissaarneq (refleksion) kiisalu piginnaasanut aamma ilinniagassanut tunngatillugu anguniagaqarneq.

Kapitel 8: Aaqquissuussaamik naapittarnerit (Konferencetiimit)

Misiliinermut aqutissiuusup ilinniartuq suleqatigalugu oqaloqatigiinnerit pilersaarusiussavai aammalu ingerlatissallugit. Misiliinermut aqutissiuusup ilinniartullu ataatsimoorlutik oqaloqatigiinnerit ingerlattassavaat, tassani ukkatarineqassapput ilinniartup suliaqarfimmi ilinniarnera aammalu ineriartornera, qitiutinneqassallutik atuagarsornikkut eqqarsaatiginneqqissaarnerit (refleksion)- tassunga ilanngullugu portfolio suliaa, atuakkanik attuumassuteqartunik aallaaveqartoq. Oqaloqatigiinnerit aamma ingerlanneqartassapput ilinniartup suliaqarneranik pilersaarusiornermut aammalu nalilersuisarnermut, suliffimmi misiliinermi piginnaasatigut aamma ilinniakkatigut anguniakkat aallaavigalugit. Pilersaarutit allattorneqarsinnaapput aammalu suleqatinut tunniunneqarsinnaallutik, ilinniartup sulisutut misiliinera pillugu ilisimasaqarnerulernissaat pillugu, aamma taamaalillutik ilinniartumut suliaanut ikorfartuisinnaanerussammata.

Ilinniartup oqaloqatigiinnissanut oqaluuserisassanik suliaqarnissaq akisussaaffigivaa. Tamatuma saniatigut ilinniartuq sap. ak. tamaasa oqaloqatigiinnerit naatsunik imaqaarniliornissaat isumagisassavaa. Imaqaarniliat portfolioliornermut iluaqutissaapput pingaaruteqartut.

Misiiinermut aqutissiuisoq ilinniartumut ataatsimut sap. ak. ataasimut annerpaamik akunneq ataaseq akissarsiaqassaaq.

Kapitel 9: Nalilersuisarnerit

Suliffimmi misiliinerup ingerlanerani marloriarluni nalilersuisoqassaaq: piffissap affaata nalaani naliliineq aammalu piffissap naalernerani naliliineq. Ilinniartumut aamma misiliinermut aqutissiuisumut immersugassaqaqpoq, suliffimmi misiliinerup ingerlanerani atorineqartussanik. Maluginiagassaavoq, suliaassanut aamma taakkua nassiunnissaannut tunngatillugu piffissatigut pilersaarummik innersuussuteqarnera. Suliffimmi misiliinermi aqutissiuisup atugassanik fil-inik tunniussinissani ilinniartup akisussaaffigivaa.

Nalilersuinerit taakkua marluusut siunertarivaat, ilinniartup ulluinnarni perorsaanermut aamma ilisimasatigut aammalu pisinnaasatigut siunertanut tunngatillugu iliniarneranik naliliineq.

9.1 Piffissap affaata nalaani naliliineq

Suliffimmut misiliiffiusumut pulaarnissaq sioqqullugu ilinniartuq aamma misiliinermut aqutissiuisoq iluminni piffissap affaata nalaani skema aallaavigalugu nalilersuissapput, illuatungeriinnit tamanit immersorneqartussaq. Piffissap affaata nalaani nalilersuinerit ilanngussat misiliinermut ilinniartitsisumut nassiunneqassapput, suliffeqarfimmut misiliiffiusumut pulaarnissaq sioqqullugu.

Anguniarneqartariaqaqpoq suliffimmi misiliinerup pingajuararterutaata aappaata (2/3) naannginnerani pulaarnerup pinissaa. Misiliinermut aqutissiuisup piffissap affaata nalaani naliliineq pillugu skemami nalunaarutigissavaa suliffimmi misiliinerup atuukkallartumik akuerisaanera imaluunniit akuerisaannginnera. Misiliinermut aqutissiuisup akuersinini imaluunniit akuersinissaq pillugu nalorninini ilinniartumut aamma misiliinermut ilinniartitsisumut nalunaarutigissavaa. Suliffimmut pulaarnerup kingorna suliffimmik misiliinerup akuerinissaa pillugu nalornisoqarpat, taava misiliinermut aqutissiuisup piaarnerpaamik misiliinermut ilinniartitsisoq imaluunniit misiliinernik ataqatigiissaarisoq attavigissavai.

9.2 Suliffimmut misiliiffiusumut pulaarneq

PI/SPS-ip suliffimmi misiliinerup ingerlanerani ilinniartumut, misiliinermut aqutissiuisumut aammalu suliffeqarfimmut attaveqarneq pingaartippaa. Piffissap affaata nalaani nalilersuinerup atattillugu misiliinermut ilinniartitsisoq ornigunnikkut pulaarsinnaavoq, imaluunniit attaveqaatitigut ataatsimiittoqarsinnaavoq suliffeqarfimmi takornariarneq periarfissaasinnaalluni. Naatsorsuutigineqarpoq ataatsimiinneq akunnernik 1½ - 2-nik sivilissuseqassasoq. Pulaarnissamut piffissaliussaq misiliinermut aqutissiuisup aamma misiliinermut ilinniartitsisup isumaqatigiissutigissavaat. Pulaarnissap siunertarivaa piffissap affaata nalaani nalilersuinerup ilisimatitsissutigineqarnissaa, aammalu oqaloqatigiissutigineqassalluni suliffimmi misiliinermut tunngatillugu ilisimasatigut aamma pisinnaasatigut siunertat pillugit ilinniartup qanoq suliaqarsimanera, kiisalu oqaloqatigiissutigineqassalluni suliffimmi misiliinerup sinnerani ilinniartup siunertat angunissaat pillugit qanoq sulissanersoq. Nalornissutigineqarpat ilinniartup suliffimmi misiliinera akuerineqarsinnaanersoq, taava misiliinermut ilinniartitsisup, misiliinermut aqutissiuisoq kiisalu ilinniartoq suleqatigalugit, ajornartorsiutaasinnaasut qulaajassavai aammalu suliffimmi misiliinerup ingerlaqqinnissaanut iliuusissatut pilersaarummik suliaqassalluni.

Misiliinermut ilinniartitsisup ataatsimiinnissamut piareersarnerminut atattillugu makku tigussavai aamma atussavai:

- Misiliinermut aqutissiuisup piffissap affaata nalaani nalilersuinerup suliffimmi misiliinermik naliliigallarnermik imalik
- Ilinniartup piffissap affaata nalaani nalilersuinerup
- Suliffimmi misiliiffiusumut pulaarnissamut oqaluuserisassat
- Ilinniartup portfolioliorluni saqqummiussassamini suliamut atattillugu sammisassanut tunngatillugu isumassarsiarigallagai

Ilinniartoq naatsorsuutigineqarpoq ataatsimiinnermi aqutissuussasoq. Suliffimmi misiliiffiusumut pulaarnissamut oqaluuserisassat assersuutigalugu imatut isikkoqarsinnaapput:

- Paaqqinnittarfimmi takornariartitsineq
- Piffissap affaata nalaani naliliineq ilinniartumit saqqummiunneqassaaq
- Piffissap affaata nalaani naliliineq misiliinermut aqutissiuisumit saqqummiunneqassaaq
- Ilinniartup suliffimmi misiliinera pillugu utaqqiisaasumik akuersineq / akuersinnginneq
- Ilinniartup ilisimasatigut aamma pisinnaasatigut siunertat pillugit suliaqarneranut tunngatillugu inissisimaneq
- Sammisassamik qinersineq aammalu portfolioliorluni saqqummiussassamut

tunngatillugu ajornartorsiutaasinnaasumik qinersineq - kiisalu siunnersuineq

- Ilinniartoq aamma misiliinermut aqutissiuisoq soorunami oqaluuserisassanut ilanngussaqaarsinnaapput

9.3 Piffissap naalernerani naliliineq

Kingusinnerpaamik suliffimmi misiliinerup naanissaanut sap. ak. ataatsimik sioqqullugu ilinniartoq aamma misiliinermut aqutissiuisoq tamarmik immikkut piffissap naalernerani naliliineq suliarissavaat. Piffissap naalernerani naliliineq misiliinermut ilinniartitsisumut nassiunneqassaaq. Ilinniartup ilinniarnermi ingerlatiinnarnissaanut suliffimmi misiliinini pillugu ataatsimoorussamik akuerisaanissaa piumasaqaataavoq (takuuk 5.3).

9.4 Suliffimmi misiliinerup ingerlaneranik naliliineq

Misiliinermut aqutissiuisoq aamma misiliinermut ilinniartitsisoq marluullutik suliffimmi misiliinerup akuerinissaa akisussaaffigivaat. Misiliinermut aqutissiuisoq (suliffeqarfiup misiliiffiusup aqutisua suleqatigisinnaavaa) ilinniartup suliffeqarfimmi misiliiffigisamini perorsaanikkut suliai pillugit naliliinissamut aamma akuersinissamut akisussaasuvoq, takuuk piffissap naalernerani naliliineq. Misiliinermut ilinniartitsisup ilinniartup portfoliomik saqqummiussaanik naliliinissaq aamma akuersinissaq akisussaaffigivaa.

9.5 Suliffimmi misiliineq akuerineqaarsinnaanngippat

Suliffeqarfiup misiliiffiusup nalilerpagu, suliffimmi misiliineq akuerineqaarsinnaanngitsoq, tamanna piffissap naalernerani naliliinermi allanneqassaaq. Misiliinermut ilinniartitsisoq tamatumunnga isumaqataanngikkuni, PI/SPS-ip pisortaa tamanna pillugu aalajangiissaaq. Misiliinernut ataqatigiissaarisoq attuumassuteqartuniinngaanniit oqaaseqaatinik piniassaaq; misiliinermut aqutissisumit, ilinniartumit aammalu misiliinermut ilinniartitsisumit, suliffimmi misiliineq tamaat isigalugu akuersinissaq pillugu inaarutaasumik aalajangiinissamut tunngaviusussanik. Ilinniartoq suliffimmik misiliinermi siullermi angusinngippat taava ilinniarneq unitsinneqassaaq, aammalu ilinniartoq ilinniarnermut nutaamik qinnuteqaqqissinnaavoq, qinnuteqarnissamut piffissarititaasoq tulliuttoq nallertinnagu. Suliffimmi misiliinerup aappaannut atatillugu periarfissaavoq suliffimmi misiliineq nutaamik aaqquissuutissallugu, tamatumani periarfissaassalluni "akuerisaannginnermut" tunngavilersuutaasimasut aaqquissuteqarfiginissaat. Ilinniartoq suliffimmi misiliinermut nutaamut tunngatillugu angusinngippat, taava ingerlaannartumik ilinniartup ilinniarnera unitsinneqassaaq.

Kapitel 10: Suliffimmi misiliisumut atugassarititaasut

Ilinniartoq ilinniarnerninut atatillugu ilinniarnermusiaqarsinnaatitaavoq, aammalu suliffimmi misiliinini akissarsissutigisussaanagu. Taamaattumillu aamma suliffeqarfiup misiliiffiusup sulisoqarneranut ilanngunneqartussaanani, aammalu kisimiilluni meeqqat/atuisut pillugit akisussaaffeqarsinnaanani. Ilinniartoq suliffimmi misiliinerninut atatillugu vikariusinnaanngilaq imaluunniit akissarsiaqaatigalugu sulisunut taartaasinnaanani. Tamatigut akissarsiaqaatigalugu sulisoqartassaaq akisussaasuusumik. Suliffeqarfiup misiliiffiusup piumasaqaatit nalinginnaasut tamakkua eqquutsissinnaanngippagit, taava piaarnerpaamik misiliinermut ilinniartitsisoq attavigineqassaaq aammalu suliffimmik misiliinermut kinguneqaataasinnaasut oqaluuserineqassallutik.

Ilinniartup meeqqanik pinerliisimannnginnermut uppersarsaatini (takuuk meeqqanik pinerliisimannnginnermut uppersarsaatinik piumasaqaateqartussaatitaaneq pillugu Inatsisartut inatsisaat nr. 8, 19. maj 2010-meersoq) suliffeqarfimmut misiliiffissaminut misiliinissaq sioqqullugu nassiutissavaa. Tamatuma saniatigut ilinniartoq nipangiussisimasussaatitaavoq (takuuk pisortat ingerlatsineranni suliassat sularineqartarnerat pillugu Inatsisartut inatsisaat nr. 8, 13. juni 1994-meersoq). Nipangiussisimasussaatitaaneq suliffimmi misiliinerup nalaani aamma taamaatereernerani atuuppoq. Suliffeqarfiup misiliiffiusup ilinniartoq piumasaqarfigisinnaavaa, nipangiussisimasussaatitaaneq pillugu uppersarsaalluni atsiornissaanik. Nipangiussisimasussaatitaanermik unioqqutitsineq atorfilinnut aamma ilinniartunut assigiimmik kinguneqartarpoq. Ilinniartoq aamma nalunaarutiginninnissamut pisussaaffimmut annertusisamut ilaatinneqarpoq (takuuk meeqqat tapersersorneqarnissaannut Inatsisartut inatsisaat nr. 20, 26. juni 2017-meersoq).

10.1 Suliffimmi misiliisup piffissat suliffigisartagaasa aalajangersarneqarnerat

Ilinniartoq agguaqatigiisillugu sap. ak. tamaasa makkuninnga pisussaaffeqarpoq aamma pisinnaatitaavoq:

- Akunnerni 28-ni perorsaanermik suliaqarneq, tassani sulisut allat naligalugit peqataalluuni (atuarfinni aammalu nunani allani misiliinermi sapaatip akunneranut akunnerni 25-ni perorsaanermik suliaqarneq akuerisaasarpog)
- Sapaatit akunneri tamaasa misiliinermut aqqutissiuisumik oqaloqateqarneq akunnermi ataatsimi.
- Akunnerni 10-ni ilinniakkerineq, ilinniartup nammineerluni piareersarnermut, allattariarsornikkut suliassaminut aammalu atuakkanik ilinniartitsissutinik atuarnerninut tunngatillugu aaqquissuussasai

Suliffimmi misiliinermut tunngatillugu qaaqqusineq

Suliffimmi misiliinermut tunngatillugu qaaqqusinerit tassaapput ullut ilinniartut misiliinermut ilinniartitsisut peqatigalugit, nammineq ilinniarnertik pillugu aamma portfolionik suliaqarnertik pillugu eqqartueqatigiiffigisinnaasaat. Pingaartinneqarpoq, suliffimmi misiliineq pillugu sammisaqarneq siulleq pissasoq suliffimmi misiliinerup aallartinneraniit sap. ak. 4-t ingerlareerneranni. Suliffeqarfiup misiliiffiusup isumagissavaa, ilinniartup suliffimmi misiliineq pillugu sammisaqarnermi nalaani sulinnginnissaa.

Katillugit: Nalinginnaasumik suliffimmi misiliinermut atatillugu akunnerni 14-ini suliffimmi misiliinermut tunngatillugu qaaqqusineq.

Katillugit: Immikkut ittumik suliffimmi misiliinermut atatillugu akunnerni 18-ini suliffimmi misiliinermut tunngatillugu qaaqqusineq.

Misiliinermut aqutissiuisup ilinniartuq suleqatigalugu ilinniartup misiliilluni sulinissaanut qaammammut pilersaarummik suliaqassapput, tassani eqqumaffigineqassallutik suliffimmi misiliinermut atatillugu ilisimasassat aamma pisinnaasassat qitiusut. Misiliinermut aqutissiuisup ilinniartup piffissat takkuttarfissai aaqqissuutissavai, tassani periarfissaatissallugu misiliinermut aqutissiuisup aamma ilinniartup inimi/immikkoortortami akunnerni aalajangersimasuni naapittarnissaat, taamaalilluni ilinniartup siunertani pillugit, perorsaanermut tunngasunik aammalu ilinniagassanik suliarinnissinnaanera aqutissiuutissallugu. Ilinniartuq sulinerup tunngatillugu eqaassutsimik takutitsisinnaasariaqarpoq, suliffeqarfiup misiliiffiusup kissaataanut tunngatillugu. Aamma oqaloqatigiinnissanut pilersaarummik suliaqartoqassaaq, soorluttaaq taakkunani oqaluuserisassat eqqartorneqartassasut. Tamanna pisassaaq suliffimmi misiliinermut atatillugu ilisimasatigut aamma pisinnaasatigut siunertat aallaavigalugit.

Misiliinermut aqutissiuisoq ilinniartup ilinniarnera ikorfartussavaa, ilinniartup suliffimmi misiliinera tamaat assersuutigalugu inini imaluunniit immikkoortortani ataatsimiinnerni, sulisut ataastimiinnerini, angajoqqaanik ataatsimiitsitsinerni, perorsaneq pillugu ulloqarnermut atatillugu ataatsimiinnerni il. il. attuumassuteqartuni peqataasinnaanerani isumannaarinikkut. Ilinniartup ataatsimiinnerni peqataaneri ilinniartup sulinerata katinnerinut ilanngunneqassapput.

Suliffimmi misiliinerup nalaani sulinngiffeqartoqassanngilaq. Taamaattoq ilinniartuq isumaqatigiissuteqareernikkut periarfissaqarpoq akunnernik katersinissamut, allattariarsornermik suliaqarnerminut atugassaminik. Annerpaamik ullunut pingasunut katersisoqarsinnaavoq.

10.2 Piffissami suliffimmik misiliiffiusumi peqanngittarneq

Ilinniartoq suliffimmi misiliinerup nalaani sulinngitsoorpat, aammalu sulinngitsoorneq immikkut illuinnartumik tunngaveqarpat (assersuutigalugu nammineq imaluunniit qitornaata sivisuumik napparsimaneq), malittarisassat saneqqunneqarsinnaapput nakorsamit aamma ilinniartoqarfimmit naliliinerit tunngavigalugit (takuuk ilinniartut quppersagaanni qupp. 40). 15 % ataallugu sulinngitsoornerit pillugit immikkut akuersissuteqartoqarsinnaanngilaq. Sulinngitsoornerup suliffimmi misiliinermi akunnerit 15 %-it sinnerpagit, taava PI/SPS ilinniartup sulineranut atatillugu aammalu misiliinerup siunertai eqqarsaatigalugit naliliissaaq. Misiliinernut ataqatigiissaarisup, misiliinermut aqutissiuusup aamma misiliinermut ilinniartitsisup akornanni isumaqatigiissuteqartoqarneratigut sulinngitsoornerit immikkut akuersissuteqarfigineqarsinnaapput.

10.3 Suliffimmi misiliineq unitsinneqarpat

Suliffimmi misiliineq suliffeqarfimmit misiliiffiusumit imaluunniit PI/SPS-imiit unitsinneqarpat, aammalu ilinniartup suliffimmi misiliinerup minnerpaamik affaa naammassereersimappagu, suliffimmi misiliinerup naammassinissaa sioqqullugu naliliisoqarsinnaavoq. Paaqqinnittarfiup misiliiffiusup misiliinissamut isumaqatigiissut atorunnaarsissagaluarpagu aammalu piffissap affaa ingerlareersimanngippat, taava PI/SPS suliffeqarfimmik misiliiffissamik nutaamik nassaarnissamut pisussaaffeqarpoq, ilinniartup misiliinermik ingerlatitseqqiffigisinnaasaanik. Imaassimappat, suliffeqarfiup ilinniartumut tunngatillugu ilinniarnissamut piumasaqaatit naammassisimanngikkai, taava taamatuttaaq PI/SPS suliffeqarfimmik misiliiffissamik nutaamik nassaarnissamut pisussaaffeqarpoq.

Ilinniartup nammineerluni assigiinngitsunik pissuteqarluni misiliinini unitsippagu, taava PI/SPS suliffimmik misiliiffissamik nutaamik nassaarnissamut pisussaaffeqanngilaq. Tamanna ilinniartup nammineerluni isumagissavaa.

Nalornisoortoqartillugu imaluunniit ilinniartup aamma suliffeqarfiup misiliiffiusup akornani suleqatigiinnermut tunngatillugu ajornartorsiortoqalerpat taava misiliinermut ilinniartitsisoq attavigineqassaaq.

10.4 Ilulissat avataani suliffimmi misiliineq

Suliffimmi misiliineq Ilulissat avataani ingerlanneqarpat, tamanna ilinniartumut annertunerusumik akisussaaffeqarnermik nassataqassaaq, oqaatsit aammalu ileqqut unamminartuusinnaasunut eqqarsaatigalugit. Ilinniartup aamma assersuutigalugu inissarsiornissani aammalu ilinniartutut inigisami pequtsersornissaa nammineerluni akisussaaffigivai.

Ilinniartoq qitornaqaruni, taava nammineerluni akisussaaffigivaa qitornami atuarfinnut

aamma/imaluunniit paaqqinnittarfinnut allatsinnissai suliffimmi misiliinissaminut atatillugu. Suliffimmi misiliinerup aallartinnerani ilinniartup qitornai atuarfinni aamma/imaluunniit paaqqinnittarfinni inissarsereersimassapput.

Nunami allami suliffimmi misiliinissamut atatillugu ilinniartup nammineerluni nunami allami sillimmasersimanissamut aamma nakorsaqaarnissamut tunngasut apeqqutit qulaajarnissaat isumagissavaa, aammalu piffissaq sioqqulluarlugu tamakkununga tunngatillugu qinnuteqaarsimassalluni.

Ilinniartoq inissarsiussaguni suliffimmi misiliinissamut isumaqatigiissut uppersaataagissavaa, tamanna ilinniarnermut atatillugu suliffimmi misiliinermut uppersaataassammat. Ilinniartup inissamik tunineqarnerminut atatillugu inissap pequtsersugaanera pillugu paasissutissanik piniassaaq, pequtsersugaanikkut aaqqiisoqartariaqarsinnaanera pillugu kiisalu initaarsimanermut atatillugu allaffeqarfirmut uppersaanissamut atatillugu. Suliffimmi misiliinerup nalaani inigisanut akiliutit marloriaatiunnginnissaat pillugu, ilinniagaqaqarnersiutit pillugit Namminersorlutik Oqartussat nalunaarutaat nr. 9, 19. juli 2017-imeersoq malillugu Kalaallit Nunaanni aammalu Kalaallit Nunaata avataani aningaasartuutit pisariaqartinneqartut pillugit taperneqaarnissamut periarfissaqarpoq. Tapiissutit aningaasartuutit annertussusaat naapertorlugit nikerartarput.

Ineqarnermut aningaasartuutitut tapiissutit:

- kr. 4000 tungaanut aningaasartuuteqartoqartassappat 100 %-imik matussusiisoqassaaq
- kr. 4000 aamma kr. 10.000 akornanni aningaasartuuteqartoqartassappat 75 %-imik matussusiisoqassaaq

Ilinniartoq ilinniartoqarfiup avataani illoqarfimmi allami suliffimmi misiliiniarpat, taava PI/SPS-ip ilinniartup illoqarfimmiit ilinniartoqarfimmiit suliffeqarfirmut misiliiffiusussamut angalanera matussusissavaa. Angalanissamut billetinik inniminneq ilinniartup PI/SPS-imi allaffik suleqatigalugu isumagissavaa. Angalanissamut billetinik inniminneq pitinnagu suliffimmi misiliinissamut isumaqatigiissut, inissaq aammalu meeraqaraanni paaqqinnittarfinni inissat isumagineqareersimassapput. Suliffeqarfiup misiliiffiusup aamma unnuiffissap akornani angallannermut aningaasartuutit matussuserneqassanngillat. (Takuuk Ilinniagaqaqarnersiutit pillugit Namminersorlutik Oqartussat nalunaarutaanni nr. 9, 19. juli 2017-imeersumi § 40).